

三
校正嬰童百問序



嬰童百問十卷今柱國少保太宰許
公疏進于

朝

制下禮部爰加校正鑿諸梓以傳云原夫

三墳正典醫之道厥惟濫觴素問靈

樞醫之義繇斯論著秘啓造化德濟

含靈本神道以設教法天德以好生



上古聖人所創立傳流逸乎遐哉弗
可尚已自茲以還民鮮龐樸六慾干
於時診百邪伐其天和所貴仁哲迭
興迺克漸次敷治在商則尹製湯液
以開識藥性在秦則和論六氣以參
兩變動下歷漢晉唐宋嚆聶味餘著
為方論如金匱鈞玄如蘭室秘藏如
靈苑秘錄簡帙繁浩無慮數十百家

獨念嬰兒脉證內經不載其說僅自
中古巫妨氏著顛顛經以占壽夭歷
世相授醫訣斯興則又散漫難考檢
閱彌艱或有證無論孰究病根或有
論無方奚從實據矧夫嬰兒腸胃嬌
脆胎氣稟受時令寒暑燥濕不齊病
不能言疑似莫辨醫之診治豈不信
見其難哉許公自為翰林編修時得

此書既以識其考據議論精密周詳
有足以補岐黃之所未發翊燮調之
所未至蓋注心於是久矣顧當

聖明御極體天地曰生之仁憫生靈札瘥
之患昨者疫氣流行致厘

宸慮手檢方書親加劑量以救藥生靈而
公首以是編納忠

上進蓋所以仰體

聖衷擴施元化衛民命而壽國脉此大臣
君子之事也

綸音嘉答特賜布諸天下斯世斯民獲觀
是書之全保其嬰幼俾免夭闕豈非
幸哉公河南靈寶人也父子兄弟並
位卿保玄成篤世德之懿公著競家
聲之美流澤延休厥有攸自識者謂
公仁厚惻怛根諸心而欲推以及物

茲亦其一端云嵩不佞特為識諸簡首

嘉靖壬寅仲冬長至日

光祿大夫柱國少保兼太子太保禮部尚書

武英殿大學士知制誥侍

經筵國典總裁奉

勅掌禮部事袁郡嚴嵩序

進嬰童百問疏

太子太保吏部尚書臣許讚謹

奏為進書事臣係河南靈寶縣人正德二年臣為翰林院編修之時收得醫書二本名曰嬰童百問相傳為在昔名人著述乃以嬰童各證設為百問每問必究其受證之原每證必詳其治療之方觀形審勢因病投藥極為詳備誠保護嬰幼之全書也此書原刻於陝西藍田縣今乃少見伏惟

皇上至仁如天老老幼幼舉一世而生成之此書若

行未必不為幼科醫藥之助臣謹將原本裝潢
進呈伏望

皇上勅付所司再加詳校刻為善本或以廣醫家之
見聞或以備

內府之參用傳衍流行則

皇上仁慈所被者無窮而效之所及者廣矣嘉靖十
八年二月 日奉

聖旨卿進方書朕覽已着禮部校正刊行欽此



嬰童百問卷上目錄

卷之一

第一問初誕

第二問護養法

第三問噤風撮口臍風

第四問脉法 無方

第五問變蒸

第六問五臟所主 無方

第七問五臟病證

第八問肝臟

第九問心臟

第十問脾臟

卷之二

第十一問肺臟

第十二問腎臟

第十三問面上證氣色總見 無方

第十四問發搖

第十五問急驚

第十六問慢驚

第十七問脾風

第十八問急慢脾風下痰輕重

第十九問驚癇

第二十問驚風

卷之三

第二十一問天疔內疔

第二十二問盤腸風

第二十三問胎驚風

第二十四問胎風遍身軟

第二十五問項軟

第二十六問五軟

第二十七問五硬

第二十八問風證風熱

第二十九問痙症

第三十問夜啼客忤驚啼

卷之四

第三十一問胎疾

第三十二問解顛

第三十三問顛陷顛填

第三十四問目內證

第三十五問耳病

第三十六問鼻病

第三十七問口瘡鵝口重脣

第三十八問重舌木舌弄舌

第三十九問齒遲 無方

第四十問喉痺腮腫

卷之五

第四十一問語遲

第四十二問滯顛

第四十三問龜背龜胸鶴膝行遲

第四十四問腹痛

第四十五問腹脹

第四十六問腹中有癖

第四十七問痞結

第四十八問積痛

第四十九問積滯

第五十問諸熱證

嬰童百問卷上目錄終

嬰童百問卷之一

魯伯嗣學

第一問初誕

嬰童在胎稟陰陽五行之氣以生成五臟六腑百骸之體悉具必藉胎液以滋養之受氣既足自然分娩初離母體口有液毒啼聲未出急用軟綿裹指拭去口中惡汁雖是良法然倉卒之際或有不及如法者古人有黃連法硃蜜法甘草法用之殊佳免使惡物嚥下伏之於心遇天行時氣久熱不除乃乘於心心主血脉得熱而散流溢於胃而胃主肌肉發出於外故成瘡疹之候世之長幼無有可免者若依初生拭

口之法得免痘疹之患。或有時氣侵染，只出膚瘡，細疹易為調理。亦孩童之幸也。楊氏云：初生拭口不前，惡穢入腹，則腹滿氣短，不能飲乳者，宜用茯苓圓加減治之。又法下胎毒，臨產落草時，濃煎淡豉汁服極好，不可與辰砂、黃連、輕粉等。

硃蜜法

葛氏肘後方

小兒初生，先用黃連、甘草法拭口，吐其惡汁，稍時更與硃蜜定，鬼安神。

硃砂

一大豆許

右細研以蜜一蜺殼許，和硃砂抹口中，非獨鎮

心安神，能解惡毒之物，一生免痘瘡之患。

黃連法

臨月用黃連細切，搥碎綿裹，百沸湯泡拭口。

甘草法

預以甘草細切少許，產卧時以綿裹沸湯泡盪，內蓋定收生之際，急以軟綿裹指蘸甘草汁拭其口，次用黃連法、硃蜜法。

又牛黃法

與硃蜜同，少加牛黃，益肝膽，除熱，定精神，止驚邪，辟惡氣，除小兒百病。

茯苓圓直指方

治嬰兒初出胞胎其聲未發急以手拭其口令惡血淨盡不得下咽則無它病若拭口不及惡穢入腹則腹滿氣短不能飲乳或胎中受寒則令兒腹痛不乳

赤茯苓

黃連

冷證去此加芍藥

枳殼

炒

右等分為末煉蜜圓如梧桐子大每圓乳汁調下

第二問護養法

巢氏云小兒始生肌膚未實不可煖衣煖甚則令筋骨緩弱宜頻見風日若不見風日則肌膚脆軟易得

損傷當以故絮著衣勿加新綿天氣和煖之時抱出日中嬉戲數見風日則血凝氣剛肌肉硬蜜可耐風寒不致疾病若藏於帷帳之內重衣溫煖譬如陰地草木不見風日軟脆不任風寒又當薄衣但令背煖薄衣之法當從秋習之不可以春夏卒減其衣否則令中風寒所以從秋習之者以漸稍寒如此則必耐寒冬月但著兩薄襦一複裳若不忍見其寒當畧加耳若愛而煖之適所以害之也又當消息無令出汗如汗出則表虛風邪易入也晝夜寤寐常當慎之其乳哺之法亦當有節不可過飽或宿滯不化當用消

乳圓化積溫脾等劑治之陳氏所謂忍三分寒喫七分飽頻揉肚少澡洗及要背煖肚煖足煖要頭涼心胸涼亦至論也

消乳圓 又名消食圓

治宿食不消巢氏云宿食不消脾胃冷故也小兒乳哺飲食生冷過度冷氣積於脾胃胃為水穀之海脾氣磨而消之胃氣調和則乳哺消化脉沉者傷食不化故也

縮砂仁

陳皮

京三稜 煨

蓬朮 煨

神麴 炒

麥蘖 炒各半兩

香附子 炒一兩

右為末麵糊圓如麻子大食後白湯送下

第三問噤風撮口臍風

初生噤風撮口臍風三者一種病也噤風者眼閉口

噤啼聲不出舌上聚肉如粟米狀吃乳不得口吐白

沫大小便皆通蓋由胎中感受熱氣流毒於心脾故

形見於喉舌間也抑亦生下復為風邪擊搏所致自

滿月至百二十日見此名曰犯風噤依法將護防於

未然則無此患撮口者面目黃赤氣息喘急啼聲不

出蓋由胎氣挾熱蒸風邪入臍流毒心脾之經故令

舌強唇青聚口撮面飲乳有妨若口出白沫而四肢冷者不可救其或肚脹青筋吊腸卵疝內氣引痛皆腸胃鬱結不通致之治法貴乎疎利撮口最為惡候一臘內見之尤急臍風者斷臍之後為水濕風冷所乘風濕之氣入於臍而流於心脾遂令肚脹臍腫身體重著四肢柔直日夜多啼不能吮乳甚則發為風搐若臍邊青黑撮口不開是為內搐不治爪甲黑者即死矣或熱在胸堂伸引努氣亦令臍腫可與千金龍膽湯如前三者受病之源非一朝一夕大抵裏氣鬱結壅閉不通並用取下胎毒天麻圓定命丹硃銀

圓之類可量與之千金論云小兒始生其氣尚盛若有微患即須下之若不時下遂成大疾疾成則難療矣紫霜圓可量與之治風噤用控痰散吐風痰不若用甘草湯極穩然後和胃益脾散加減用又用辰砂膏利驚即愈或手握拳噤口不開者不治又撮口用僵蚕膏傳唇口中或甘草湯撮風散治臍風用瓜蒂散湯氏治嬰兒因剪臍傷於外風致臍瘡不乾用白礬龍骨為末少許傳之又用舊綿少許燒灰為末乾摻之效議曰斷臍不盈尺一臘之內隨其根蒂自腐實者深之弱者淺之淺深之理以其稟賦得之初生

之兒有熱在胸堂則頻伸引呃呃作聲努脹其氣抑入根本之中所以臍突腫赤虛大可畏無識之者將謂斷臍不利而使之然者非也此乃由胎中芽多驚悸或因食熱毒之物所作宜與大連翹飲子其熱自散其臍歸本不必以藥傳之此證亦宜早治久則難療也又有一法小兒臍風撮口初生七日內患此證者百無一生如坐視其斃者良可憫焉此法極驗世罕有知者凡患此證者看兒齒齦上有小泡就如粟米狀以溫水蘸熟帛裹指擦破即開口便安不用服藥亦良法也安臍散治臍中汁出或赤腫用白石脂

末日二度傳之或油髮灰或當歸末傳亦佳

千金龍膽湯

治胎驚月內氣盛發熱臍風撮口壯熱血脉盛實四肢驚掣發熱大吐及變蒸不解中客入鬼氣并諸驚癇悉皆治之十歲以下皆可服之及有賊氣者加人參當歸如龍膽數一百日童加三銖一歲加五錢

龍膽草

釣藤

柴胡

黃芩

桔梗

芍藥

茯苓

甘草

蟻蛭

各五錢
二枚去足炙

大黃 煨二錢半

右剉散每服二錢水一盞煎半盞服之以漸加服得利即止直指方加防風麥門冬以導心熱黃芩減半北棗煎服去蟻蚋亦可

天麻圓

治因斷臍後為水濕風冷所乘入於臍流於心脾遂令肚脹臍腫四肢柔直日夜多啼不能吃乳此藥利驚化痰凡釣腸鎖肚撮口並宜服之

南星 炮二錢

白附子 炮

牙消

天麻

五靈脂

全蝎 焙各一錢

巴霜 一字

右為末稀糊為圓麻子大每服三圓薄荷薑煎湯送下

實命丹

治急驚天釣撮口通利痰熱

全蝎 七箇

天麻

南星 炮

白附子 各二錢半

青黛 各一錢半

輕粉

麝香 各五分

片腦 一字

右為末粟米糊圓黍豆大每服一圓荆芥薄荷湯化下先研半圓吹入鼻中一方無腦子

珠銀圓

治臍風壯熱痰盛翻眼口噤取下胎中蘊受之毒亦治驚積但量情用之一方無積字

水銀一錢 白附子一錢 全蝎一錢

南星 珠砂一錢 天漿子去殼

牛黃 蘆會各一分 鈔霜半錢

片腦一字 麝五分 直僵蚕炒七

右為末粟米糊圓芥子大每服一圓薄許湯下如未通利加至二三圓

紫霜圓

治變蒸發熱不解并傷寒溫壯汗後不歇胸中有痰癖乳哺不進乳則吐哕先寒後熱者又治食積乳哺失節宿滯不化或因食而發癩大便酸臭並宜服之

代赭石煨醋淬 赤石脂各一

杏仁五十枚 巴豆三十枚

右先將杏仁巴霜入乳鉢內細研如膏却入代

赭石脂末研勻以湯浸蒸餅為圓如粟米大一

歲服五圓米飲吞下一二百日內兒三圓乳汁

下更宜量其虛實加減微利為度此藥兼治驚

痰諸疾雖下不致虛人

消食圓 方見五十九問

常服寬中快氣消乳食正顏色

控痰散 入撮口

治風噤先用控痰散吐風涎次與益脾散和胃
又與辰砂膏利驚即愈或手握拳噤口不開者
不治

蝎尾

銅青 各五分

硃砂 一錢

膩粉 一字

麝香 少許

右為末每服一字茶清調下或用後甘草湯吐

痰亦可

甘草湯

治撮口取吐風痰

甘草 生一錢

右剉煎服令吐出痰涎却以豬乳點入口中即瘥

益脾散

白茯苓

人參

草果 煨

木香

甘草

陳皮

厚朴 薑製

蘇子 炒

右等分為末每二錢薑棗煎服

辰砂膏

治眼閉口噤啼聲不出吮乳不得口吐白沫大小便皆通

辰砂 三錢

硼砂

馬牙硝 各一錢

玄明粉 二錢

全蝎

真珠末 各一錢

麝香 一字

右為末和畢用好油紙封裏自然成膏每服一豆粒許諸驚金銀薄苛湯下潮熱甘草湯下月內用乳汁調傳乳上令兒吃下

葱號散

治初生小兒七日不小便

葱白 三四寸

人乳 同搗如泥抹兒口內即與乳喫

又蚕號散

治初生兒七日不食乳名撮口

僵蚕 四箇去嘴畧炒

茯苓 少許

右為末蜜稠調抹兒口內

僵蚕膏

治撮口

直僵蚕 二枚去嘴畧炒

右為末蜜調傳唇口中

撮風散

治撮口

赤脚蜈蚣

半條

釣藤

硃砂

直僵蚕

焙

全蝎

各一錢

麝香

一字

右末每服一字取竹瀝調下竹瀝解熱

瓜蒂散

治小兒三歲忽發心滿堅硬脚手心熱則變為黃若不急治害人甚速臍風撮口吹入鼻內啼則可醫

瓜蒂

七箇

赤小豆

七箇

秫米

七粒

右為末用一豆許吹兩鼻內令黃水汁出殘藥未盡水調服之得吐黃水即瘥一方瓜蒂一兩赤小豆四兩為末每服一錢溫水調下藥下便卧即當有吐以吐為度吐出黃水為妙

大連翹湯

治瘡疹壯熱小便不通諸般瘡癩丹毒臍風

連翹

瞿麥

荆芥

木通

赤芍藥

當歸

防風

柴胡

滑石

蟬蛻

甘草

山梔仁

各一錢

黃苓各五

右剉細每服二錢加紫草煎溫服熟甚加大黃
更詳證加減

安臍散

小兒斷臍後便傳之

赤脚蜈蚣一寸

羚羊角一錢畧
燒存性

乳髮一團燒
存性

雀甕毛三枚

麝香少許

右為末斷臍後傳於臍上

第四問脉法無方

仲陽云小兒脉法脉亂不治氣不和弦急傷食沉緩

虛驚促急風浮冷沉細水鏡訣夫以陰陽運命男女
成形已分九竅四肢乃生五臟六腑位分一部逆順
難明若憑寸口之浮沉必乃橫亡於孩子須明虎口
別辨三關消詳用藥必無差誤未至三歲看男左女
右虎口第二指根第一節名初關一名風關若脉見初交
病第二節中關氣關脉見難治第三節末關命關脉見病
深死三關青是四足驚三關赤是水驚三關黑是人
驚紫色瀉利黃色雷驚三關有通度脉是極驚之證
必死餘並不可治或青或紅有紋如線一直者是乳
食傷脾及發驚熱左右一樣者是驚與積齊發有三

條或散是肺生風痰或似麴胎之聲有赤是傷寒及
嗽如紅火是瀉有黑相兼主下痢紅多白痢黑多赤
痢有紫相兼加渴不虛虎口脉紋亂乃氣不和也青
驚積青黑發慢驚脉入掌乃內吊指紋曲裏風盛灣
外食積上蒸此論三歲以上脉法小兒一歲至三歲
看虎口更用指按高骨乃一指分三關定其息數呼
吸八至為平脉九至不安十至危困短長大小各有
邪干浮主風生數主有驚沉遲主虛冷實主有熱緊
是癩癰洪主熱盛沉細主腹痛沉緩主虛瀉微遲有
積有蟲遲瀯主胃脘不和沉主乳化難沉細主乳食

結緊弦主腹熱痛牢實主大便秘沉而數者骨中有
熱弦長是鬲肝有風緊數驚風四肢掣戰浮洪胃口
有熱沉緊主腹痛不歇虛濡有氣又兼慢驚乳多利
大便有血四歲用一指按虛實五歲六歲用一指袞
轉尋三部平正關上為準七歲八歲稍移指少許尋
三部九歲十歲次第依三關部位尋取十一十二歲
亦同十歲看十四歲十五歲方依大方脉部位診視
凡看脉先定浮沉遲數陰陽冷熱皆依大方也沉遲
為陰浮數為陽更兼看面部青色主驚風白色主虛
瀉赤色主痰熱黑色病勢難當黃色是脾家疳積以

此相參察其病源審度治療必無疎失矣

第五問變蒸

巢氏云小兒變蒸者以長氣血也變者上氣蒸者體

熱巢氏云上仲陽云變者易也又生變蒸者自內而

長自下而上又身熱故以生之日後至三十二日一

變每變畢即覺性情有異於前何者長生臟腑意智

故也何謂三十一日長骨添精神人有三百六十五

骨以象天數以應其歲以分十二經絡故初生至三

十二日一變生癸屬足少陰經腎臟藏精與志至六

十四日二變一蒸生壬屬足太陽經膀胱腑其發耳

與散冷腎與膀胱合俱主於水天一生水地六成之

至九十六日三變生丁屬手少陰經心臟藏神其性

為喜至一百二十八日四變二蒸生丙屬手太陽經

小腸腑其發汗出而微驚心與小腸合主火地二生

火天七成之至一百六十日五變生乙屬足厥陰經

肝臟藏魂喜哭至一百九十二日六變三蒸生甲屬

足少陽經膽腑其發目不閉一本作開而赤肝與膽合主

木天三生木地八成之至二百二十四日七變生辛

屬手太陰經肺臟藏魄生聲至二百五十六日八變

四蒸生庚屬手陽明經大腸腑其發膚熱而汗或不

發

汗肺與大腸合主金地四生金天九成之至二百八十八日九變生巳屬足太陰經脾臟藏意與智至三百二十日十變五蒸生戌屬足陽明經胃腑其發不食腸痛而吐乳脾與胃合主土天五生土地十成之又手厥陰經心包絡為臟手少陽經三焦為腑此一臟一腑俱無形狀故不變而不蒸也前十變五蒸乃天地之數以生成之此後始生齒能言知喜怒故云始全也太倉云氣入四肢長碎骨於十變後六十四日為一大蒸計三百八十四日長其經脈手足手受血故能持物足受血故能行立經云變且蒸謂蒸畢

而足一歲之日有餘也師曰不汗而熱者發其汗大吐者微止不可別治又六十四日為一大蒸計四百四十八日又一百二十八日為三大蒸共計五百七十六日變蒸既畢兒乃成人也變者變生五臟也蒸者蒸養六腑也所以成人變者上氣蒸者體熱每經一變一蒸情態即異輕則發熱微汗其狀似驚重則壯熱脈亂而數或吐或汗或煩啼燥渴輕者五日解重者七八日解其候與傷寒相似亦有變蒸之餘續感寒邪者但變蒸則耳冷骭冷上唇發泡狀如濁珠若寒邪搏之則寒熱交爭腹中作痛而啼叫之聲日

夜不絕變者易也蒸於肝則目眩微赤蒸於肺則噎
嗽毛聳凡五臟六腑筋脉骨節皆循環各有證應其
治法和平之劑微表執實者微利之或不治亦自愈
可服紫霜圓一圓或二圓并黑散子柴胡湯變蒸者
有寒無熱并吐瀉不乳多啼者當歸散調氣散主之
變蒸之外小兒如常體貌情態自然端正鼻內眵中
絕無涎涕頭如青黛唇似朱鮮臉腮如花映竹情意
若天淨月明喜引方笑似此平安議曰人得中之道
以為純粹陰陽得所剛柔兼濟氣血相和百脉相順
所以心智益通精神俱備臟腑充實形體固壯凡觀
嬰孩顛顛固合睛黑神清口方背厚骨麓臀滿臍深
肚軟齒細髮黑聲洪睡穩此乃受氣充足稟賦得中
而無疾也

紫霜圓

方見第三問

紫陽黑散

治變蒸解利執氣

麻黃

一兩不
去節

大黃

五錢

杏仁

去皮尖二錢半

右件同一處搗和並畧燒存性再以杏仁少許
研膏和之密器盛每用一豆許乳汁調下

柴胡湯

治變蒸骨熱心煩啼叫不已

人參

甘草

微炙

麥門冬

各二錢 去心

龍膽草

防風

各一錢

柴胡

三錢

右剉散每服三錢煎服

當歸散

治變蒸有寒無熱

當歸

二錢

木香

官桂

剉者

甘草

炙

人參

各一錢

右剉散每服二錢薑棗煎服

調氣散

治變蒸吐瀉不乳多啼慢驚欲發

木香

香附子

人參

橘皮

藿香

甘草

炙各一錢

右為末每服二錢薑棗煎服

第六問五臟所主

無方

心主驚實則叫哭發熱飲水而搖虛則困卧悸動不安
肝主風實則目直大叫呵欠項急頓悶虛則咬牙
呵欠氣熱則外生風氣溫則内生風脾主困實則困
睡身熱飲水虛則吐瀉生風肺主喘實則悶亂喘促

有飲水者有不飲水者虛則哽氣長出氣腎主虛無實也惟痘瘡實則黑陷更當別虛實證假如肺病又見肝證咬牙多呵欠者易治肝虛不能勝肺故也若目直大叫哭項急頓悶者難治蓋肺久病虛冷肝強實而反勝肺也視病之新久虛實虛則補毋實則瀉

第七問五臟病證

無方

肝病哭叫目直呵欠頓悶項急心病多叫哭驚悸手足動搖發熱飲水脾病困睡泄瀉不思飲食肺病悶亂哽氣長出氣喘急氣短腎病目無精光畏明體骨

重

第八問肝臟

肝外生感風呵欠頓悶口中氣熱當發散大青膏主之若能食飲水不止當大黃圓微下餘不可下肝熱手尋衣領及亂捻物瀉青圓主之壯熱飲水喘悶瀉白散主之肝病勝肺肝病秋見肝強勝肺肺怯不能勝肝當補脾治肝益脾者毋令子實故也補脾益黃散治肝瀉青圓肝有風目連眵不搖得心熱則搖治肝瀉青圓治心導赤散主之肝有熱目直視不搖治同上法肝有風甚身反張強直不搖心不受熱也當

補腎治肝補腎地黃圓治肝瀉青圓主之凡病或新
或久皆引肝風之動而動止於頭目目屬肝風入於
目上下左右如風吹不輕不重兒不能任故目連劄
也若熱入於目牽其筋脉兩皆俱緊不能轉視故目
直也若得心熱則搖以其子母俱有實熱風火相搏
故也肝病見秋木旺肝強勝肺也宜補肺瀉肝輕者
肝病退重者唇白而死

大青膏

治傷風痰熱發搐百日左右并二三歲亦可服

天麻 一錢

白附子 半生 一錢

蝎尾 半錢

硃砂 一字

青黛 一錢

天竺黃 一字

麝香 一字

烏蛇 酒浸取肉 焙乾半錢

右為末生蜜為圓如芡實大月中兒粳米大同
牛黃膏薄苛湯化下五歲以上下甘露散服之

大黃圓 入疳

治小兒無辜疳疾急疳壯熱疳勞骨蒸頭髮作
穗身上生瘡癩癰核塊多要啞煎食物不成肌

膚腹大頸細

大黃 三錢

木香 半兩

右為末米醋一升相和置銅椀下於鍋內浮於

水上炭火煮用竹篦子攪藥候可圓即圓入稠糊圓如小豆大二歲二十圓米湯下加減與之當下青膿為効一方治無辜疔疾肚大或時瀉痢冷熱不調漏蘆為末每服一錢猪肝一兩鹽少許煮空心服之

大黃圓 錢氏方

治風熱裏實口中氣熱大小便秘赤飲水不止有下證者宜服之

黑牽牛 半生半炒五錢 川芎 半兩 甘草 一錢炙

大黃 一兩酒洗過蒸熟切片曬乾

右為細末稀糊和圓如麻子大二歲每服十圓溫蜜水下乳後服以溘利為度未利加圓數再服量大小加減用之

瀉青圓

治小兒赤眼多泪睛疼心躁并消熱翳急驚發搐

當歸 川芎 防風

龍膽草 大黃 羌活

山梔仁 各等分一方加甘草赤芍藥

右為末煉蜜圓芡實大每服一圓沙糖湯下

滋白散

治化痰止嗽寬氣進食

地骨皮

桑白皮

炒各一兩

甘草

炙一錢

右剉散粳米煎

益黃散

治小兒吐瀉脾虛不食米穀不化困倦力少滑

腸夜起并疳虛盜汗并治涎唾流頷下常濕名

滯願

陳皮

去白一兩

丁香

二錢一分用木香

訶子

炮去核

青皮

去穰

甘草

炙各五錢

右為末每服二錢水煎三分食前服

導赤散

治心驚內虛邪熱

生地黃

甘草

木通

各等分

右剉散竹葉煎加黃芩赤芍藥羌活燈心煎

地黃圓

治腎疳即急疳腦熱肌削手足如冰滑泄肚痛

熟地黃

山茱萸肉

乾山藥

各四錢

澤瀉

牡丹皮

白茯苓

去皮各三錢

右為末煉蜜和圓如梧桐子大三歲以下一二

圓至三圓溫水空心化下行遲鶴膝加鹿茸牛
膝五加皮

第九問心臟

心熱視其睡口中氣溫或合面睡及上竅咬牙皆心
熱也導赤散主之心氣熱則心胸亦熱欲言不能而
有就冷之意故合面卧心氣實則氣上下行澁合卧
則不得通故喜仰卧則氣得上下通也瀉心湯主之
心病見冬大旺心強勝腎當補腎治心經者病退重
者下竅不語腎怯虛也

導赤散

方見第八問

瀉心散

治心中痰氣實則氣行澁合卧則氣不通故喜
仰卧則上下通也

黃連

一兩去須

右為末每服半錢或一錢臨卧時溫水下

第十問脾臟

脾胃不和面眇白無精光口中氣冷不思食吐水當
補脾益黃散主之脾胃虛冷面眇白色瘦弱腹痛不
思食當補脾益黃散下利者調中圓主之傷風手足
冷脾臟怯也當和脾後發散和脾益黃散發散大青

膏主之脾病見四旁皆倣此治之順者易治逆者難治脾怯當面赤黃五臟相反隨證治之

益黃散

方見第八問

大青膏

方見第八問

調中圓

即理中圓方見五十三問

嬰童百問卷之一

嬰童百問卷之二

第十一問肺臟

肺盛復有冷風胃滿短氣氣急喘嗽上氣當先散肺後發散風冷散肺瀉白散主之肺只傷寒則不胸滿肺熱則手搯眉眼鼻面甘桔湯主之肺虛熱唇深紅色治之散肺虛熱少服瀉白散肺臟怯唇白色當補肺阿膠散主之若悶亂氣粗喘促哽氣者難治肺虛損故也脾肺病久則虛而唇白脾者肺之母也母子皆虛不能相營故曰怯肺主唇白而光澤者吉白如枯骨者死肺病春見肺勝肝當補腎肝治肺臟肝怯

者受病也補肝腎地黃圓治肺瀉白散主之肺病見
春旺肺勝肝當瀉肺輕者肺病退重者目淡青必發
驚更有赤者當搖為肝怯當日淡青色也

瀉白散

方見第八問

甘桔湯

治風熱毒氣上攻咽喉咽痛喉痺腫塞妨悶及
肺壅咳咯唾膿血胸滿振寒咽乾而渴時出
濁沫氣息腥臭久久吐膿狀如米粥又治傷寒
咽痛

桔梗 二兩

甘草 一兩

右為粗末每服二錢水一盞煎至七分去滓食
後溫服加荊芥防風名如聖湯熱甚加羌活黃
芩升麻

阿膠散

治嗽肺無津液喘急肺虛者咳而哽氣喉中有
聲

阿膠 一兩半
蛤粉 炒

鼠粘子 二錢半

炒香

馬兜鈴 半兩

焙

甘草 一錢炙

杏仁 七箇去
皮尖

糯米 一兩

右為末每服二錢水一盞煎六分食後溫服見
重

五十五
問

地黃圓

方見第八問

第十二問腎臟

腎虛兒本虛怯由胎氣不成則神氣不足目中白睛多其顛即解顛開面色恍白者此皆難養縱長不過八八之數若恣色欲多不過四旬而亡或有因病而致腎虛者非也又腎氣不足則下竅蓋骨重惟欲墜下而縮身也腎水陰也腎虛則畏明皆宜補腎地黃圓主之腎病見夏水勝火腎勝心也當治腎輕者病退重者悸動當搖也

地黃圓

方見第八問

第十三問面上證氣色總見

無方

左腮為肝右腮為肺額上為心鼻上為脾下頰為腎赤者熱也隨證治之此仲陽之至論也口議所謂五位氣色總見者其藍青色者乃驚積不散欲發風候其火紅色者痰積壅盛驚悸增進其土黃色者食積癥傷欲作疳疾痞癖其色白者大腸滑洩水穀不分欲作吐利其黑色者臟腑欲絕其疾危惡其人不久也又有面部形色額有青色主驚風欲發紅主大熱印堂青色初入驚并瀉紅主大驚夜啼黑主客忤山根青至主二次驚青色主瀉後發躁黑色及黃甚主

死年壽平陷者主天青主發熱生驚黑主利死紅主
燥死微黃曰平黃甚主霍亂死鼻準微黃曰平黃甚
為土動死候黑赤危甚人中黑主蛔虫咬患久唇反
者死短縮者因利死邊旁黃主胃逆青色主下利正
口紅者平乾燥脾熱白主失血死黃有積青因驚風
死黑氣遠口者死承漿青因飲食時被驚黃主吐逆
赤主血痢赤黑主驚風兩眼黑睛黃有熱白睛黃積
食不化疳蛔白睛青肝風驚黑睛黃傷寒眉上青吉
忽紅主煩躁夜啼黃主霍亂久病紅者死風氣二池
青主風候紫主吐逆又發熱黃吐逆紅主煩躁夜啼

兩顴赤色肺有客熱兩太陽青主二次受驚青自太
陽入耳者死紅主血淋兩臉青主客忤黃主痰溢赤
主風熱兩頰赤主傷寒左赤心熱口瘡右赤肺熱黃
主有積紅主血淋兩頤青主吐蟲兩金匱青主第三
次驚生風黑遠口二日死青連目入耳七日死兩風
門紅主風熱黑主疝青水驚黑從眉入耳當日死唇
黑不食者死又面青眼青肝之病面赤心之病面白
肺之病面黃脾之病面黑腎之病五臟各有所主者
稟受盈虧胎氣虛實陰陽補瀉當救其失臟腑表裏
若能辨其標本則神聖工巧自然得矣

第十四問發搐

仲陽云驚癇發搐男發搐目左視無聲右視有聲女發搐目右視無聲左視有聲相勝故也早晨發搐因潮熱寅卯辰時身體壯熱上視手足動搖口内生涎項頸急此肝旺當補腎治肝補腎地黃圓治肝瀉青圓主之日午發搐因潮熱巳午未時發搐心神驚悸目上視白睛赤色牙關緊口内生涎手足動搖此心旺也當補肝治心導赤散涼驚圓補肝地黃圓主之日晚發搐因潮熱申酉戌時不甚搐而喘目微斜視身體似熱睡露睛手足冷大便淡黃水是肺旺

當補脾治心治肝補脾益黃散治肝瀉青圓治心導赤散主之夜間發搐因潮熱亥子丑時不甚搐而卧不穩身體溫壯目睛緊斜視喉中有痰大便白色乳食不消多睡不省不納津液當補脾益黃散治心導赤散涼驚圓主之凡急驚欲發先看握拳指內陰順指外陽順男左女右搐頃令全用藥通關大忌悶涎入肺逆入心經不能語言即與涼心鎮驚下痰藥始安如逆搐者便不可救若因吐瀉後變證却難調治大凡此證要看握拳逆順若搐順則易調理搐逆恐其復潮先用通關勝撚兒保命丹省風湯後用疎風

化痰退熱等藥便可無事又有驚風搐搦吐瀉多啼
急搐眼微有淚面紅則難瘥愛哭心中聚涎臉有紅
筋乃是癇疾指亂青紋疾病又傳此乃下驚風鎮墜
太過風疾不散與氣相逆搐不能定當下轉氣疎風
藥溫膽湯加酸棗仁服次省風湯化蘇青圓又有急
驚偏搐面青背冷男左女右不妨男右女左難治如
手心冷汗搐眉搐肚終日終夜不定者名真搐兩肩
都動此乃掣証不惟定搐亦要順氣當下參湯平其
胃氣却進川烏全蝎等藥并順氣藥亦要斡旋伸陽
論傷風後發搐若傷風後得之口中氣出熱呵欠頻

悶手足動搖當發散大青膏主之傷食後發搐若傷
食後得之身體溫多睡多唾或吐不思飲食而發搐
當先定搐搐退白餅子下之後服安神圓又百日内
發搐真者不過三兩次必死假者頻發不為重真者
内生驚癇假者外傷風冷蓋血氣未實不能勝任乃
發搐也欲知假者口中氣出熱也治宜發散大青膏
主之仍用塗顛浴體法珍珠圓下痰即定有熱不大
便者七寶洗心散寬熱散下之即效却用截風定搐
天麻防風圓龍齒散釣藤散等劑調理有熱瘡疥或
不語防風通聖散大連翹湯皆可服

瀉青圓

方見第八問

導赤散

同前

涼驚圓

潮熱口內涎手足動搖此心狂也

治驚肝有熱發搐心神驚悸目上視面赤色牙

關緊

黃連

五分

龍腦

研一錢

龍膽

防風

青黛

研各三錢

釣藤

二錢

牛黃

麝香

各一字

右同研麵糊圓粟米大每服三五圓至一二十

圓煎金銀湯送下

地黃圓

方見第八問

益黃散

同前

通關散

治驚風搐搦關竅不通皆由痰塞中脘留滯百節所致痰之所以潮寒者氣實使之

南星

炮一錢

麝香

一字

猪牙皂

二錢畧燒存性

赤蜈蚣

一條

直僵蚕

一錢

味共

右為末以手點薑汁蘸藥少許擦牙或用物引滴入藥兩三點涎出自開與後十九問開牙散

通用

驚關散

半夏生一錢

皂角半錢

右為末用一豆許用管子吹入鼻立醒

開關聖散

赤蜈蚣

一條中分為兩片各用葱汁浸一宿焙乾

全蝎

亦中分為兩片各記左右以二物記左右作兩處

右各為末左眼翻左手搗以右藥末搗入左鼻

孔右眼翻右手搗以右藥末搗入右鼻孔雙眼

翻雙手搗兼之

至聖保命丹

治小兒胎驚內釣腹肚緊硬眠睡不安夜多啼哭及治急慢驚風眼目上視手足抽掣不省人事悉皆主之冷證用此

全蝎

十四箇去毒

防風

一錢

僵蚕

炒去絲

南星

炮

天麻

各二錢

白附子

麝香

五分

金箔

十片

蟬蛻

硃砂

各一錢

有熱證加牛黃腦子硃砂

右為末粳米糊圓每兩作四十圓常服鎮心安神化痰除一切驚風諸證湯臨時換一方加人

參白茯苓二錢

省風湯

治驚風口噤筋脉攣急抽掣疼痛風盛痰實旋
暈僵仆頭目眩胸膈煩滿恍惚不定神志昏憤

天南星生用

防風去蘆各四兩

甘草生用

半夏湯浸宿

黃芩去粗皮各二兩

右剉散每服二錢生薑十片煎去滓温服不拘
時

温膽湯

治驚悸煩躁不得眠

半夏片

枳實各二錢半

茯苓半兩

橘紅

甘草各一錢半

酸棗仁去殼二錢半

右剉散每服二錢入竹茹少許薑棗煎服肚疼
加白芍藥

白餅子

治小兒夾食傷寒其證發熱嘔吐亦有肚疼者
愛氣辨得分曉先用此藥一服推下食積却用
平和藥發散調治如惺惺散加減參蘇飲皆可
服却不可服冷藥

滑石

南星

半夏各一錢

輕粉五分

巴豆

二十四箇去皮膜用木一升煮乾研細

右三味搗羅為末入巴豆霜次入輕粉又研勻
却入餘藥末令勻糯米飲圓如菘豆大量小兒
壯瘦虛實用藥三歲已下每服三圓至五圓紫
蘇湯空心下忌熱物若三五歲兒壯實者不以
此拘加至二十圓以利為度

安神圓

治驚

人參

茯神

麥門冬

山藥

各二錢

龍腦

龍齒

各一錢

硃砂

甘草

寒水石

各五分

金箔 一片

錢氏方有馬牙消龍腦

右為末煉蜜圓如芡實大每服一圓燈心湯化

下

大青膏

方見第八問

蘇青圓

方見第六十問

浴體法

天麻 二錢

蝎尾

去毒

硃砂

各半錢

烏蛇肉

酒浸

白礬

各二錢

麝香

一字

青黛 三錢

右同研勻每用三錢水三椀桃枝一握葉五七

按同煎至十沸温熱浴之勿浴背

塗顛法

治發搐

麝香 少許

蝎尾 去毒 半錢

薄荷葉

蜈蚣

牛黃

青黛末 各一字

右同研用熟棗肉劑為膏新綿上塗勻貼顛上
四方可出一指許火上炙手頻熨百日裏外小
兒可用此塗浴法

珍珠圓

方見十八問

七寶洗心散

方見三十七問

二十一問

寬熱散

方見五十問

天麻防風圓

方見五十四問

龍齒散

方見三十問

釣藤散

方見十六問

防風通聖散

方見二十八問

大連翹湯

方見第三問

第十五問急驚

辰砂七寶散 急驚發搐之錄
次用寬熱散下之必獲全安

急驚者因聞大聲及人驚而發搐發過則如故此無
陰也當下利驚圓主之小兒急驚者本因熱生於心
身熱面赤引飲口中氣熱大小便黃赤劇則搐也蓋

熱甚則風生風屬肝此陽盛陰虛也故用利驚圓主
之以除其熱痰不可與巴豆及溫藥大下之恐搐虛
熱不消也小兒熱痰客於心胃因聞聲非常則動驚
搐矣若熱極雖不因聞聲及驚亦自發搐急驚之候
牙關緊急壯熱涎潮竄視及張搐搦顛動搦者十指開合唇
口眉眼眨引頻併口中熱氣頰赤唇紅大小便黃赤
其脉浮數洪緊蓋由內有實熱外挾風邪心經受熱
而積驚肝經生風而發搐治法大要用藥有序通關
以後且與截風定搐痰熱尚作迺下之痰熱一泄又
須急與和胃定心之劑如搐定而痰熱少者則但用
輕藥消痰除熱可也蓋驚瀕當下切不可過用寒
涼及銀粉巴消葦蕩條太驟此等重劑醫家不得已
而用之僅去痰即止或不當用而用或當用而過焉
往往由此而成慢驚矣此證亦用搐鼻藥通關打噴
涕牙關開後用疎風化痰退熱藥導赤散柴胡天麻
等劑便可無事琥珀散通治諸驚證之要藥至寶丹
亦可服

利驚圓

治小兒急驚風痰盛發熱潮搐

青黛

輕粉各一錢

牽牛末半兩

天竺黃 二錢

右為末白麵糊圓如小豆大二十圓薄荷湯下
一法煉蜜圓如芡實大一粒化下

導赤散

方見第八問

至寶丹

方見第二十問

琥珀散

治小兒急慢驚風涎潮昏冒目睛搐搦驚吊肚
疼及和順痘瘡小可驚哭眠卧不安入口立效
驚癇時攻發作常服永除病根

辰砂 一錢半

琥珀

牛黃

僵蚕 炒去絲

牛膽南星

全蝎 去毒

白附子

天麻

代赭石 服醋淬

乳香

蟬蛻 各一錢

麝香 半錢

片腦 一字

右為末三歲一錢薄荷湯下慢驚加附子

第十六問慢驚

慢驚者因病後或吐或瀉脾胃虛損遍身冷口鼻氣
出亦冷手足時時痙瘓昏睡露睛此無陽也括萋湯
主之凡慢驚之候或吐或瀉痰鳴微喘眼開神緩睡
則露睛驚跳搐搦乍發乍靜或身熱身冷四肢熱口

鼻冷氣面色淡白淡青或眉青唇青其脉沉遲散緩
蓋由急驚過用寒涼或轉下太驟傳變成之又有吐
利不止而成者有氣虛暴吐瀉而成者有臟腑虛洞
泄而成者有久利氣脫而成者有取瀉下積而成者
有吐血下血而成者有感風不解傷寒傳變而成者
有久嗽作痛不已者有蟲積衝心者有疝氣腹痛者
或日夜汗出脾困多睡煩躁引飲四肢浮腫大小便
閉丹瘤腫毒龍帶纏腰走馬急疝並傳慢候惟吐瀉
積利成虛致之則證變甚速治法須當審問源流不
可一槩用藥曰慢候如吐瀉得之則理中湯加水香

以溫其中五苓散以導其水如臟寒洞泄得之則先
與木附湯下積取轉得之則先與調氣散調和脾胃
如外感風寒則可與桂枝湯葛根湯葦葦其他可以類
推矣然慢驚雖屬陰亦須準較陰陽虧盛淺深如何
不可純用溫藥及燥烈大熱之劑惟於生胃氣中加
以截風定搐如全蝎花蛇僵蚕白附天麻南星葦葦為
良方傳慢候而尚有陽證者不必回陽但與截風調
胃可冷可熱惟均平陰陽而已太乙保生丹聚寶丹
蟬蝎散神寶既濟丹來復丹王氏惺惺散醒脾散大
醒脾散溫白圓可選而用之若陽虧陰盛病已傳過

純屬慢驚無搐掣友引竄視之證而但昏沉者與星香全蝎散定命飲子四聖散烏蝎四君子湯天南星散烏沉湯沈香散之屬若手足冰冷者方可回陽用硫黃附子慢驚下痰身煖者天南星圓蘇合香圓白圓子痰盛者神寶既濟丹礞石散虛甚不可下痰者靈脂圓七珍圓如腦麝巴霜寒涼通關利腸之輩一切禁止如未發慢驚先要睡吐舌搖頭面青毛髮豎吐乳作腥額上有汗此證乃吐後胃虛生風當下截風醒脾散或四君子湯加全蝎防風銀白散或釣藤飲去麻黃更宜多方走變藥餌不可輕忽又有慢驚

正發洩瀉吐乳冷汗雙眼閉唇紅舌出搖頭髮直兩脇動心悶氣粗口瘡當用南星末貼脚底心常進參湯尤好少間口瘡不納乳食名曰鎖牖却難救凡小兒病證見口如魚口作雅聲者不治聖濟經有琥珀圓南星煎等劑皆可服論曰心藏神而惡熱小兒體性多熱若感風邪則風熱搏於腑臟其氣鬱憤內乘于心令兒神志不寧故發為驚若驚甚不已則悸動不寧是為驚悸之病紫金散牛黃散大丹砂圓治之其急驚則有龍齒散巨聖散等劑可選而用之括萋湯

治慢驚

括萎根 二錢 白甘遂 一錢 按本草白甘遂乃桑休也又名草甘遂不用亦甘遂

右同於慢火上炒焦黃研勻每服一字煎麝香薄苛湯調下無時凡藥性雖冷炒焦用必溫也

理中湯

方見五十三器

五苓散

治霍亂吐瀉燥渴飲水小便不利

澤瀉 二兩

官桂 一兩

猪苓

白茯苓

白朮 各一兩半

右為細末每服一錢白湯調下燥渴新水調服

大小以意加減不以時候加辰砂一兩治驚熱後五十二問重出可兼看

朮附湯

治風濕相搏身體煩疼不能轉側不嘔不渴大便堅硬小便自利及風虛頭目眩重甚者不知食味

白朮 四兩

附子 炮去臍皮一兩半

甘草 炙二兩

右為粗末入附子令勻每服三錢水盞半生薑五片棗一箇同煎一盞去滓食前溫服此藥煖肌補中助陽氣止自汗

調氣散

方見第五問

桂枝湯

治太陽中風陽浮而陰弱陽浮者熱自發陰弱者汗自出畜畜惡寒翕翕發熱鼻鳴乾嘔者

桂枝片皮

芍藥

生薑各一兩半

甘草一兩

棗子六枚

右為飲子每服三錢水一盞煎至八分去滓大
小加減須臾啜粥一盞以助藥力溫覆令一時
許通身熱微似出汗者佳加減法桂枝自西北
二方居人四時行之無不應驗江淮惟冬及春

可行之自春末及夏至已前桂枝證加黃芩一
分謂之陽旦湯夏至已後有桂枝證可加知母
石膏各半兩或加升麻一分若病人素虛寒者
正用古方不在加減也

葛根湯

治太陽病項強兀兀惡風無汗不惡寒剛症

葛根四兩

麻黃三錢

桂一兩

甘草

芍藥各二兩

右剉細散每服五錢水一盞半入生薑五片棗
子二枚同煎至一盞去滓服取微汗金匱芍藥

三分

太乙保生丹

治慢驚尚有陽證

全蝎

青者十箇

白附子生

直僵蚕

炒

牛膽南星

蟬蛻

琥珀

硃砂

防風

各一錢

麝香

半錢

右為末粟米糊圓如梧桐子大金箔為衣每服二圓薄苛湯調下

聚寶丹

治慢驚可用

人參

茯神

琥珀

天麻

全蝎

烏蛇肉

酒浸焙

硃砂

麝香

直僵蚕

防風

南星

白附

生各一錢

右為末煉蜜圓桐子大每服一圓菖蒲湯調下

蟬蝎散

治方傳慢驚

全蝎

七箇去尾尖

蟬蛻

一箇

甘草

二錢半炙

南星

一箇炮香

右剉散每服二錢煎服

神保既濟丹

分陰陽平冷熱定吐瀉豁痰涎

硫黃

談消

五靈脂

青皮

半夏麩

陳皮去白

右談消夾研用磁器鎔汁傾出候冷再研細旋入諸藥末拌和粟米糊圓麻子大每服三圓食前米飲下

米復丹

此藥配合二氣均調陰陽奪天地冲和之氣乃水火既濟之方可冷可熱可緩可急善治榮衛

不和心腎不交上實下虛氣閉痰厥心腹冷痛

臟腑虛滑不問男女老幼危急之證但有胃氣

無不獲安補損扶虛救陰助陽為效殊勝

消石

同硫黃並為細末入定磔內以微火炒用柳篋子不住手攪令陰陽氣相入不可火太過恐藥力虧再研細

可火太過恐藥力虧再研細

硫黃

船上透明者

太陰玄精石

研細水飛各一兩

陳皮

去白

五靈脂

原係五臺山者水澄去砂石日乾

青皮

去穢各二兩

右用靈脂二橘皮為細木次入玄精石末及前

二藥末拌勻以好醋打糊為圓如豌豆大每服

三十粒空心粥飲下甚者五十粒小兒三粒新

生嬰兒一粒小兒慢驚風或吐瀉不止變成虛風搖擗者非風也胃氣欲絕故也用五粒研碎米飲送下

王氏惺惺散

治吐瀉脾困內虛

人參

茯苓

木香

天麻

白扁豆

炒

陳皮

全蝎

焙各等分

右剉散每服二錢薑棗畧煎服

醒脾散

治吐瀉脾困不食

全蝎

焙半錢

白附子

炮

天麻

焙

甘草

炙

人參

白茯苓

石菖蒲

細節首

木香

石蓮肉

白朮

各一錢

右剉散每服二錢薑棗煎服有熱者去木香

大醒脾散

南星

白茯苓

橘紅

各一錢

人參

甘草

炙

白附子

焙

石蓮子

全蝎

焙

木香

各半錢

陳倉米 二百粒

右對散每服二錢薑棗煎服驅風醒脾兩方通
用亦可釀乳小兒胃虛不消乳食尤須節約

溫白圓

驅風豁痰定驚

人參

防風

白附子 生

直僵蚕 炒

全蝎

各焙並一錢

南星

湯泡七次焙乾

天麻

各二錢

右為末飛白麵糊圓梧桐子大每服一圓薑湯

調下